



ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРИНИНГ БУЙРУҒИ

Умумий ўрта таълим мактаблари учун 2019-2020 ўқув йилига мўлжалланган таянч ўқув режа ва такомиллаштирилган ўқув дастурларини тасдиқлаш тўғрисида

Ўзбекистон Республикаси Президентининг “Умумий ўрта, ўрта махсус ва касб-хунар таълими тизимини тубдан такомиллаштириш чора-тадбирлари тўғрисида” 2018 йил 25 январдаги ПФ-5313-сон ва “Халқ таълимини бошқариш тизимини такомиллаштириш бўйича кўшимча чора-тадбирлар тўғрисида” 2018 йил 5 сентябрдаги ПФ-5538-сон Фармонлари, “Ёшларни маънавий-ахлоқий ва жисмоний баркамол этиб тарбиялаш, уларга таълим-тарбия бериш тизимини сифат жиҳатидан янги босқичга кўтариш чора-тадбирлари тўғрисида” 2018 йил 14 августдаги ПҚ-3907-сон ва “Халқ таълими тизимида бошқарувнинг янги тамойилларини жорий этиш чора-тадбирлари тўғрисида” 2018 йил 5 сентябрдаги ПҚ-3931-сон қарорлари ҳамда Вазирлар Маҳкамасининг “Умумий ўрта ва ўрта махсус, касб-хунар таълимининг давлат таълим стандартларини тасдиқлаш тўғрисида” 2017 йил 6 апрелдаги 187-сон қарори ижросини таъминлаш, ўқув-тарбия жараёнига ўқитишнинг замонавий илғор шаклларини, янги педагогик ва ахборот технологияларини, ўқувчиларнинг ўқув, психологик ва жисмоний юкларини оптималлаштиришни ҳисобга олган ҳолда ишлаб чиқилган умумтаълим фанлари бўйича ўқув режа ва дастурларини амалиётга жорий этиш мақсадида буюраман:

1. Республика таълим марказининг янги ўқув йилида дарсликлари янги дан ёки қайта нашр этиладиган I, III, VIII, IX синфлар тегишли (VII синф чет тиллари, айрим фанларга ихтисослаштирилган давлат умумтаълим мактаблари учун VI синф физика, VII-VIII синф алгебра) фанларининг давлат таълим стандартлари талаблари асосида ишлаб чиқилган ва Илмий-методик кенгашларда маъқулланган ўқув дастурларини 2019-2020 ўқув йилидан бошлаб босқичма-босқич амалиётга жорий этиш тўғрисидаги таклифига розилик берилсин.

2. Қуйидагилар:

Умумий ўрта таълим мактаблари учун 2019-2020 ўқув йилига мўлжалланган таянч ўқув режа (кейинги ўринларда таянч ўқув режа деб юритилади) ва унинг тушунтириш хати 1-иловага мувофиқ;

2019-2020 ўқув йилида дарсликлари янгидан ёки қайта нашр этиладиган I, III, VIII, IX синфлар тегишли (VII синф чет тиллари, айрим фанларга ихтисослаштирилган давлат умумтаълим мактаблари учун VI синф физика, VII-VIII синф алгебра) фанларининг давлат таълим стандартлари талаблари асосида ишлаб чиқилган ўқув дастурлари 2-иловага мувофиқ;

2019-2020 ўқув йилида фойдаланиладиган ўқув дастурлари (кейинги ўринларда ўқув дастурлари деб юритилади) рўйхати 3-иловага мувофиқ тасдиқлансин.

3. Умумий ўрта таълим муассасалари фаолиятини мувофиқлаштириш бошқармаси (Э.Муродов), Қорақалпоғистон Республикаси халқ таълими вазири, Тошкент шаҳар халқ таълими бош бошқармаси ва вилоятлар халқ таълими бошқармалари 2019-2020 ўқув йилида умумий ўрта таълим муассасаларида таълим-тарбия жараёнининг 1-илова билан тасдиқланган таянч ўқув режа ва унинг тушунтириш хати ҳамда 2-илова билан тасдиқланган ўқув дастурлари асосида ташкил этилишини назорат қилсин.

4. Ўқув жараёнини методик жиҳатдан таъминлашни ривожлантириш бошқармаси (А.Абиджанов), Таълим сифати мониторинги бошқармаси (Т.Турсунов), Республика таълим маркази (А.В.Умаров), А.Авлоний номидаги Халқ таълими тизими раҳбар ва мутахассис ходимларини қайта тайёрлаш ва малакасини ошириш институти (Н.Рахманкулова)га:

халқ таълими ходимларини қайта тайёрлаш ва уларнинг малакасини ошириш курсларининг ўқув режа ва дастурлари модулига умумтаълим фанлари бўйича давлат таълим стандартлари ва ўқув дастурларининг мазмун-моҳиятини сингдириш;

халқ таълими ҳудудий бошқарув идоралари билан ҳамкорликда давлат таълим стандартлари, таянч ўқув режа ва ўқув дастурларининг ижроси билан боғлиқ ҳужжатларнинг мазмун-моҳиятини август кенгашларида ва бевосита педагогик жамоаларда кенг тушунтириш ишларини ташкил қилиш;

дарслик муаллифлари, нашриёт ходимлари ва фан методистлари билан ҳамкорликда 2019-2020 ўқув йили учун умумтаълим мактабларининг I, III, VIII, IX синфлар (VII синф чет тиллари, айрим фанларга ихтисослаштирилган давлат умумтаълим мактаблари учун VI синф физика, VII-VIII синф алгебра) учун дарсликлар ҳамда ўқув қўлланмаларини компетенциявий ёндашувга асосланган давлат таълим стандартлари ва ўқув дастурлари асосида нашрга тайёрлаш ва чоп этилишини таъминлаш;

2019 йил 1 августга қадар Ўзбекистон Республикаси Президентининг 2018 йил 14 августдаги ПҚ-3907-сон қарорининг 18-бандида белгиланган топшириқ бўйича таянч ўқув режани қайта кўриб чиқиш юзасидан таклиф киритиш вазифалари топширилсин.

5. Республика таълим маркази (А.В.Умаров)га:

2019 йил 1 августга қадар ўқувчиларда компетенцияларни шакллантиришга йўналтирилган давлат таълим стандартлари талаблари ва таянч ўқув режага мувофиқ айрим фанларни чуқурлаштириб ўқитиш бўйича вариатив ўқув режаларини ва ўқув дастурларини ишлаб чиқиб, ўрнатилган тартибда тасдиқлаш учун Халқ таълими вазирлигига киритиш;

таянч ўқув режа асосида 2019-2020 ўқув йилида ўқув дастурлари ва дарсликлардаги ўзгаришлар бўйича фанлар йўналишида методик тавсиялар ишлаб чиқиш ҳамда барча умумий ўрта таълим муассасаларига етказилишини таъминлаш;

2019 йил 15 августга қадар Ахборот коммуникация технологияларини жорий этиш бўлими (А.Рахмонкулов), Халқ таълими соҳасида ахборот-коммуникация технологияларини ривожлантириш маркази (Ш.Каюмов), Жамоатчилик ва оммавий ахборот воситалари билан алоқалар шўъбаси (А.А.Умаров) билан ҳамкорликда методик тавсияларни вазирликнинг ахборот таълим портали ва веб-сайтига жойлаштириш вазифалари юклатилсин.

6. Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармалари бошлиқларига:

2019-2020 ўқув йили давомида умумий ўрта таълим мактабларида таянч ўқув режа ва унинг тушунтириш хатида белгиланган вазифаларнинг бажарилишини таъминлаш;

2019 йил 25 августга қадар умумтаълим фаилари бўйича давлат таълим стандартлари ва ўқув дастурларининг мазмун-моҳиятини ҳар бир таълим муассасаларига етказиш, педагогик кенгаш йиғилишларида ҳамда кенг жамоатчилик ўртасида тарғибот-ташвиқот ишларини ташкил этиш;

Ўзбекистон Республикаси Вазирлар Маҳкамасининг 2017 йил 6 апрелдаги 187-сон қарори билан тасдиқланган давлат таълим стандартларининг 4-боб, 11-бандига асосан айрим фаиларни чуқурлаштириб ўқитилишига алоҳида эътибор қаратиш ва мавжуд имкониятлардан самарали фойдаланишни йўлга қўйиш;

таълим муассасаларида фаолият олиб бораётган педагог кадрларга давлат таълим стандартлари ҳамда ўқув дастурларини амалиётга жорий этишда узлуксиз, мақсадли ва манзилли амалий-методик ёрдам кўрсатишни ташкил этиш вазифалари юклатилсин.

7. Белгилаб қўйилсинки, умумий ўрта таълим муассасаларида таянч ўқув режани бажариш, умумий ўрта таълимнинг давлат таълим стандартлари ҳамда ўқув дастурларини амалиётга жорий қилиш, унинг мониторингини олиб бориш, натижаларини таҳлил этиб бориш ишларига ҳудудий халқ таълими бошқарув идоралари ҳамда таълим муассасалари раҳбарлари шахсан масъулдирлар.

8. Жамоатчилик ва оммавий ахборот воситалари билан алоқалар шўъбаси (А.А.Умаров) таянч ўқув режа ва унинг тушунтириш хати, умумий ўрта таълимнинг ўқув дастурларини, уларнинг амалиётга жорий этилиши ва илғор иш тажрибаларини вазирликнинг расмий веб-сайти, маҳаллий ва республика оммавий ахборот воситалари орқали кенг ёритиб борилишини ташкил этсин.

9. Ушбу буйруқ қабул қилиниши муносабати билан Халқ таълими вазирининг 2018 йил 27 июлдаги “Умумий ўрта таълим мактаблари учун 2018-2019 ўқув йилига мўлжалланган таянч ўқув режани тасдиқлаш тўғрисида”ги 191-сон буйруғи 2019 йил 1 июлдан ўз кучини йўқотиши белгилаб қўйилсин.

10. Мазкур буйруқнинг бажарилишини назорат қилиш вазирнинг биринчи ўринбосари А.Ю.Умаров зиммасига юклатилсин.

Вазир



Ш.Шерматов

Тошкент ш.,
2018 йил 29 октябрь,

266 - сон

Умумий ўрта таълим мактаблари учун
2019-2020 ўқув йилига мўлжалланган таянч ўқув режа

Т/р	Фан йўналишлари блок-модуллари ва ўқув предметлари номи	Синфлар ва ҳафталик ўқув соатлари											Ҳафта- лик умумий соат
		1	2	3	4	5	6	7	8	9	10	11	
I.	Филология фанлари	10	12	14	14	14	12	10	10	10	9	9	124
1.1.	Она тили ва адабиёт	8	8	10	10	8	6	4	4	4	3	3	68
1.2.	Ўзбек тили/рус тили		2	2	2	3	3	3	3	3	3	3	27
1.3.	Чет тили	2	2	2	2	3	3	3	3	3	3	3	29
II.	Ижтимоий фанлар	1	1	1	1	3	3	4	5	5	4,5	4,5	33
2.1.	Тарих					2	2	3	3	3	2	2	17
2.2.	Дунё динлари тарихи										1	1	2
2.3.	Давлат ва ҳуқуқ асослари								1	1	1	1	4
2.4.	Одобнома	1	1	1	1								4
	Ватан туйғуси					1	1						2
	Миллий ғоя ва маънавият асослари							1	1	1	0,5	0,5	4
III.	Аниқ фанлар	5	5	5	5	5,5	5,5	6	6	7	6	7	63
3.1.	Математика	5	5	5	5	5	5	5	5	5	4	5	54
3.2.	Информатика ва ахборот технологиялари					0,5	0,5	1	1	2	2	2	9
IV.	Табиий ва иқтисодий фанлар	1	1	1	1	2	6	8	9	9	7	8	53
4.1.	Физика ва астрономия						2	2	2	2	2	3	13
4.2.	Кимё							2	2	2	2	2	10
4.3.	Биология					1	2	2	2	2	2	2	13
4.4.	Табиёт ва география	1	1	1	1	1	2	2	2	2	1		14
4.5.	Иқтисодий билим асослари								1	1			2
4.6.	Тадбиркорлик асослари											1	1
V.	Амалий фанлар	5	5	5	5	6	6	6	4	4	3	2,5	51,5
5.1.	Музыка маданияти	1	1	1	1	1	1	1					7
5.2.	Тасвирий санъат ва чизмачилик	1	1	1	1	1	1	1	1	1			9
5.3.	Технология	1	1	1	1	2	2	2	1	1			12
5.4.	Жисмоний тарбия	2	2	2	2	2	2	2	2	2	1,5	1	20,5
5.5.	Чакирувга қадар бошланғич тайёргарлик										1,5	1,5	3
VI.	Касбий таълим										6	6	12
VII.	Таълим фанлари	0,5							0,5	1	0,5		2,5
	Умумий соатлар	22,5	24	26	26	30,5	32,5	34	34,5	36	36	37	339

**Умумий ўрта таълим мактаблари учун
2019-2020 ўқув йилига мўлжалланган таянч ўқув режага
ТУШУНТИРИШ ХАТИ**

1. Мазкур таянч ўқув режаси ва унинг тушунтириш хати куйидаги ҳуқуқий – меъёрий ҳужжатлар асосида ишлаб чиқилган:

Ўзбекистон Республикасининг “Таълим тўғрисида”ги қонуни;

Ўзбекистон Республикаси Президентининг 2012 йил 10 декабрдаги “Чет тилларни ўрганиш тизимини янада такомиллаштириш чора-тадбирлари тўғрисида”ги ПҚ-1875-сон қарори;

Ўзбекистон Республикаси Президентининг 2018 йил 14 августдаги “Ёшларни маънавий-ахлоқий ва жисмоний баркамол этиб тарбиялаш, уларга таълим-тарбия бериш тизимини сифат жиҳатидан янги босқичга кўтариш чора-тадбирлари тўғрисида”ги ПҚ-3907-сон қарори;

Ўзбекистон Республикаси Президентининг 2018 йил 5 сентябрдаги “Халқ таълимини бошқариш тизимини такомиллаштириш бўйича қўшимча чора-тадбирлар тўғрисида”ги ПФ-5538-сон Фармони;

Ўзбекистон Республикаси Президентининг 2018 йил 5 сентябрдаги “Халқ таълими тизимига бошқарувнинг янги тамойилларини жорий этиш чора-тадбирлари тўғрисида”ги ПҚ-3931-сон қарори;

Ўзбекистон Республикаси Вазирлар Маҳкамасининг 2013 йил 8 майдаги “Узлуксиз таълим тизимининг чет тиллар бўйича давлат таълим стандартларини тасдиқлаш тўғрисида”ги 124-сон қарори;

Ўзбекистон Республикаси Вазирлар Маҳкамасининг 2017 йил 6 апрелдаги “Умумий ўрта ва ўрта махсус, касб-хунар таълимининг давлат таълим стандартларини тасдиқлаш тўғрисида”ги 187-сон қарори;

Ўзбекистон Республикаси Олий ва ўрта махсус таълим вазирлиги ва Халқ таълими вазирлигининг 2017 йил 18 августдаги 65кк/43-сон қарори;

Ўзбекистон Республикаси Соғлиқни сақлаш вазирлиги томонидан 2016 йил 22 декабрда тасдиқланган 0341-16-сон Санитария қоидалари ва меъёрлари (СанҚваМ).

2. Умумий ўрта таълим муассасаларининг таянч ўқув режаси йўналиши ва хусусиятларига кўра куйидаги 7 та блок-модуллардан ташкил топган:

филология фанлари;

ижтимоий-гуманитар фанлар;

аниқ фанлар;

табiiй ва иқтисодий фанлар:

амалий фанлар;

касбий таълим;

танлов фанлари.

3. Ўқув режада “Ўзбек тили/рус тили” ўқув предмети учун 2-4-синфларда ҳафтасига 2 соат, 5-синфдан бошлаб ҳафтасига 3 соат ажратилган бўлиб, ушбу ўқув предметлари куйидагича тақсимот асосида ўқитилади:

таълим бошқа тилларда олиб бориладиган таълим муассасаларида “Ўзбек тили” 2-4-синфларда 2 соатдан, 5-11-синфларда 3 соатдан ўқитилади;

таълим ўзбек тилида олиб бориладиган таълим муассасаларида “Рус тили” 2-11-синфларда 2 соатдан ўқитилади, 5-11-синфларда қолган 1 соат эса “Она тили ва адабиёти” ўқув предметида қўшиб берилади.

4. Таълим қорақалпоқ, қозоқ, қирғиз, тожик ва туркман тилларида олиб бориладиган мактабларда “Рус тили” ўқув предмети ўқувчилар ва уларнинг она-оналари хоҳишига қараб 2-11-синфларда “Она тили ва адабиёт” ўқув предметида 1 соат олиниб, 2-синфдан бошлаб ўқитилиши мумкин.

5. “Жаҳон тарихи” ўқув предмети 7-11-синфларда ҳафтасига 1 соатдан;

“Ўзбекистон тарихи” ўқув предмети 7-9-синфларда ҳафтасига 2 соатдан, 10–11-синфларда ҳафтасига 1 соатдан ўқитилади.

6. Ўзбекистон Республикаси Президентининг 2001 йил 4 январдаги “Ўзбекистон Республикаси Конституциясини ўрганишни ташкил этиш тўғрисида”ги Ф-1322-сон Фармойиши асосида “Конституция алифбоси” курси 1-4-синфларда “Ўқиш”, “Атрофимиздаги олам”, “Табиатшунослик”, “Одобнома” ўқув предметлари ва “Тарбиявий соат”лар таркибида;

“Конституция оламига саёҳат” курси 5-6-синфларда “Ватан туйғуси”, 7-синфда “Миллий ғоя ва маънавият асослари” ўқув предметлари таркибига сингдирилиб ўқитилади.

Мазкур дарсларнинг мазмунида Ўзбекистон Республикасининг “Бола ҳуқуқларининг кафолатлари тўғрисида”ги Қонуни (07.01.2008й., ЎРҚ-130-сон), Бирлашган Миллатлар Ташкилоти Бош Ассамблеясининг Резолюция 217 А (Ш) билан 1948 йил 10 декабрда қабул қилинган “Инсон ҳуқуқлари умумжаҳон Декларацияси”, Ўзбекистон Республикасининг Қонуни (08.04.2008й., ЎРҚ-144-сон) билан ратификация қилинган “Болалар меҳнатининг оғир шакллари тақиқлаш ва йўқ қилишга доир шопилинч чоралар тўғрисида”ги 182-Конвенция (Женева, 1999 йил 17 июнь), Ўзбекистон Республикасининг Қонуни (04.04.2008 й. ЎРҚ-140-сон) билан ратификация қилинган “Ишга қабул қилиш учун энг кичик ёш тўғрисида”ги Конвенция (Женева, 1973 йил 26 июнь) ҳақида ўқувчиларнинг ёшига мос равишда тушунчалар бериш тавсия этилади.

7. “Астрономия” ўқув предмети 11-синфда ҳафтасига 1 соатдан ўқитилади.

8. “Иқтисодий билим асослари”:

Ўзбекистон Республикаси Давлат Солиқ Қўмитасининг 2008 йил 19 августдаги 145-сонли ва Халқ таълими вазирлигининг 2008 йил 19 августдаги 224-сонли “Умумий ўрта таълим муассасаларида ўқувчиларнинг солиқ ва солиқ тўловлари тўғрисидаги билимларини ошириш тўғрисида”ги қўшма буйруғига асосан “Иқтисод ва солиқ алифбоси” курсининг ўқув материаллари 1-4-синфларда “Она тили”, “Ўқиш”, “Одобнома”, “Математика”, “Атрофимиздаги олам”, шунингдек, “Иқтисод ва солиқ сабоқлари” ўқув курси 5-7-синфларда “Тарих”, “Математика”, “Физика”, “География”, “Ватан туйғуси” ўқув предметлари таркибида ўқитилади.

9. Ўқувчиларнинг қизиқишлари асосида таълим жараёнини индивидуallasштириш ва табақалаштириш, касбий фаолият йўналишини танлашга мақсадли тайёрлаш учун ҳафтасига 8-синфда 0,5 соат, 9-синфда 1 соат, 10-синфда 0,5 соат танлов фанлари учун ажратилган. Ушбу соатлар доирасида ўқувчиларнинг қизиқишларини ҳисобга олган ҳолда филология, аниқ фанлар, табиий фанлар, ижтимоий-гуманитар фанлар ўқув предметлари ўқитилади.

10. Ўзбекистон Республикаси Вазирлар Маҳкамасининг 2018 йил 30 августдаги 701-сонли “Йўл ҳаракати хавфсизлиги кунини ўтказиш ва йўл-транспорт ҳодисалари профилактикасининг самарадорлигини ошириш чора-тадбирлари тўғрисида”ги қарорига мувофиқ “Йўл ҳаракати қондалари”:

1-синфда танлов фанлари учун ажратилган 0,5 соат эвазига жами 17 соат ўқитилади ва синф журналида алоҳида саҳифада ўтилган мавзулар қайд этиб борилади;

2-8-синфларда “Йўл ҳаракати қондалари” машғулоти тасдиқланган дастур асосида бошланғич синф ўқитувчилари ва синф раҳбарлари томонидан тарбиявий соатлар ҳисобидан 8 соатдан ўқитилади ва мактаб дарс жадвалига киритилиб, синф журналида “Тарбиявий соатлар” учун ажратиладиган саҳифада ўтилган мавзулар қайд этиб борилади.

11. Ўзбекистон Республикаси Вазирлар Маҳкамасининг 2011 йил 19 июлдаги 208-сонли қарорига мувофиқ “Ҳаёт хавфсизлиги асослари” машғулоти:

1-4-синфларда “Атрофимиздаги олам”, “Одобнома”, “Жисмоний тарбия” ўқув предмети таркибида жами 17 соат ҳажмда;

5-11-синфларда “Физика”, “Кимё”, “Биология”, “География”, “Ватан туйғуси”, “Миллий ғоя ва маънавият асослари” ўқув предметлари таркибида жами 17 соат ҳажмда ўқитилади.

12. “Саломатлик дарслари” ўқув курси 1-4-синфларида “Ўқиш”, “Атрофимиздаги олам”, “Табиатшунослик”, “Одобнома”, “Жисмоний тарбия” ўқув предметларига, “Соғлом авлод асослари” ўқув курси 5-9-синфларда “Биология”, “Технология”, “Жисмоний тарбия” ўқув предметларига интеграция қилинган ҳолда ўқитилади. Давра суҳбатларига мутахассис сифатида тиббий ходимларни таклиф этиш тавсия этилади.

13. Ўзбекистон Республикаси Вазирлар Маҳкамасининг 2014 йил 10 октябрдаги №06/1-669-сонли топшириғига мувофиқ “Тежамкорлик сабоқлари” ўқув-тарбиявий машғулотларини, шунингдек атроф муҳитни химоя қилиш йўналишидаги машғулотларни 1-11-синфларда 17 соатдан ўқув предмети бўйича дарс мавзулари замирида тўғарак машғулотларида, тарбиявий соатларда, синфдан ташқари машғулотларда, экскурсияларда сингдириб ўтиш тавсия этилади.

14. Ўзбекистон Республикаси Вазирлар Маҳкамаси томонидан томонидан 2018 йил 13 июлда тасдиқланган “Таълим муассасаларида экологик тарбия ва атроф муҳитни муҳофаза қилишга йўналтирилган билимларни тарғиб қилиш юзасидан амалий чора-тадбирлар режаси” асосида экологик тарбия ва атроф муҳитни муҳофаза қилишга йўналтирилган билимлар 1-4-синфларда “Ўқиш”, “Атрофимиздаги олам”, “Табиатшунослик”, “Одобнома” ўқув предмети ҳамда “Тарбиявий соат”лар таркибида, 5-11-синфларда “Биология”, “Кимё”, “География” ўқув предметлари мазмунига сингдириб ўқитилади.

15. Ўзбекистон Республикаси Вазирлар Маҳкамасининг 2017 йил 15 мартдаги “Умумий ўрта таълим тўғрисидаги низомни тасдиқлаш ҳақида”ги 140-сон қарорига мувофиқ малакали ўқитувчилар етарли бўлган тақдирда қуйидаги ҳолларда синфдаги ўқувчиларни икки гуруҳга бўлиб ўқитишга руҳсат этилади:

ўқувчилар сони 25 нафар ва ундан зиёд бўлган умумий ўрта таълим муассасаларининг 1-11-синфларида “Чет тили” ўқув предмети, айрим ўқув предметлари чуқур ўрганиладиган давлат ихтисослаштирилган умумий ўрта таълим муассасалари ва умумий ўрта таълим мактабларининг ихтисослаштирилган синфларида ихтисослаштирилган ўқув предмети, 5-11-синфларда “Информатика ва ахборот технологиялари”, таълим тили ўзбек тили бўлмаган умумий ўрта таълим муассасаларининг 2-11-синфларида “Ўзбек тили” ҳамда таълим тили рус тили бўлмаган умумий ўрта таълим муассасаларининг 2-11-синфларида “Рус тили”, 8-11-синфларда “Жисмоний тарбия”, 5-9-синфларда “Технология” ўқув предметлари икки гуруҳга бўлиб ўқитилади.

16. Таълим қорақалпоқ, рус, козок, тожик, кирғиз, туркман тилларида олиб бориладиган мактабларда Педагогик Кенгашнинг қарорига биноан айрим ўқув предметлар ва курслар ўзбек (давлат) тилида ўқитилиши мумкин.

17. Ўзбекистон Республикаси Президентининг 2018 йил 2 февралдаги “Хотин-қизларни қўллаб-қувватлаш ва оила институтини мустаҳкамлаш соҳасидаги фаолиятни тубдан такомиллаштириш чора-тадбирлари тўғрисида” ПФ-5325-сон Фармони ижросини таъминлаш мақсадида:

“Оила асослари” курси 5-6-синфда “Ватан туйғуси”, 7-синфда “Миллий ғоя ва маънавият асослари” ўқув предметлари таркибида;

“Оила этикаси ва психологияси” курси 8-10-синфларда “Миллий ғоя ва маънавият асослари” ўқув предмети таркибида сингдирилиб ўқитилади.

18. Юқорида қайд этилган ўқув предметлари ва курсларнинг ўқитилиши Ўзбекистон Республикаси Халқ таълими вазирлиги ҳузуридаги Республика таълим марказининг тавсиялари асосида тегишли ўқув дастурлари ва улар асосида ўқитувчилар томонидан ишлаб чиқилган тақвим-мавзу режаларга мувофиқ ташкил этилади.

19. Ўзбекистон Республикаси Вазирлар Маҳкамасининг “Умумий ўрта таълим тўғрисидаги низомни тасдиқлаш ҳақида” 2017 йил 15 мартдаги 140-сон Қарори ҳамда 2018 йил 9 февралдаги 11-сон мажлис баёнига мувофиқ, ўқув-тарбия жараёнини ташкил этишда қуйидаги муддатларга амал қилинади:

ўқув йилининг давомийлиги - 34 ҳафта (1-синфлар учун 33 ҳафта);

ўқув ҳафтасининг давомийлиги – 1-4-синфларда 5 кун, 5-11-синфларда 6 кун;

дарс машғулотининг давомийлиги - 45 дақиқа;

дарс машғулотлари оралиғидаги танаффуснинг давомийлиги - 5-10 дақиқа (ўқув кuni ўртасидаги танаффуснинг давомийлиги - 15-30 дақиқа).

Тегишли кунун ҳужжатларида байрам (ишланмайдиган) кuni деб белгиланган кунларда дарс машғулотлари ўтказилмайди.

Байрам (ишланмайдиган) кунларига тўғри келиб қолган дарс машғулотларининг мавзулари ўқув дастурларини ихчамлаштирган ҳолда кейинги дарс машғулотларида ўтилади.

Ўқув йили давомидаги таътилларнинг муддатлари қуйидагича белгиланади:

кузги таътил - 4 ноябрдан бошлаб 6 календарь кuni;

қишки таътил - 28 декабрдан бошлаб 14 календарь кuni;

бахорги таътил - 21 мартдан бошлаб 7 календарь кuni;

ёзги таътил - охири босқичли назорат синови ўтказилган кундан (босқичли назорат ўтказилмайдиган синфлар учун ўқув йили тугаган кундан кейинги кундан) бошлаб 2 сентябргача.

Таътилнинг охири кuni байрам (ишланмайдиган) кунига тўғри келиб қолган тақдирда, дарс машғулотлари кейинги иш кунидан бошлаб давом эттирилади.

1 синф ўқувчилари учун февраль оyi давомида қўшимча бир ҳафталик таътил берилади.

20. Мазкур таянч ўқув режа ва тушунтириш хати асосида ҳар бир умумий ўрта таълим муассасаси 2019-2020 ўқув йилига мўлжалланган ўқув режа ишлаб чиқади ва август ойидаги Педагогик Кенгашнинг қарори билан тасдиқлайди.

21. Педагог кадрлар салоҳияти ҳамда моддий-техника базаси етарли бўлган умумий ўрта таълим муассасаларида Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармаларининг рухсати билан умумий ўрта таълим муассасаларининг Педагогик Кенгашларига дарс жадвалини тузишда таянч ўқув режадаги умумий соатлар ҳажмидан ошмаган ҳолда, маълум бир ўқув предметларни чуқурлаштириб ўқитиш мақсадида 15% гача ўзгартириш киритиш ҳуқуқи берилади.

Ўқув предметларни чуқур ўрганиш бўйича муаллифлик ўқув дастурларидан амалиётда фойдаланишга Ўзбекистон Республикаси Халқ таълими вазирлиги ҳузуридаги Республика таълим маркази томонидан расмий тасдиқланган тақдирда рухсат этилади.

22. Барча турдаги давлат умумий ўрта таълим муассасаларида дарслар ва машғулотлар мазкур ўқув режа асосида давлат томонидан тўлиқ молиялаштирилади.

Ўзбекистон Республикаси
Халқ таълими вазирининг
2018 йил 29 октябрдаги
466-сонли буйруғига
2-илова

I, III, VIII, IX синфлар тегишли (VII синф чет тиллари, айрим фанларга ихтисослаштирилган давлат умумтаълим мактаблари учун VI синф физика, VII-VIII синф алгебра) фанларининг ўқув дастурлари*

* Ўқув дастурлари электрон шаклда берилади.

Ўзбекистон Республикаси
Халқ таълими вазирининг
2018 йил 29 октябрдаги
166 -сонли буйруғига
3-илова

**2019-2020 ўқув йилида фойдаланиладиган ўқув дастурлари
рўйхати**

Т/р	Синфлар	Фойдаланиладиган ўқув дастурларнинг асословчи хужжатлари
1.	1*-, 2*-, 4-, 6-, 7-синфлар	Ўзбекистон Республикаси Вазирлар Маҳкамасининг 2017 йил 6 апрелдаги “Умумий ўрта ва ўрта махсус, касб-хунар таълимининг давлат таълим стандартларини тасдиқлаш тўғрисида”ги 187-сон қарорида белгиланган малака талаблари асосида тузилган, Халқ таълими вазирининг 2017 йил 3 июндаги 190-сон буйруғи билан тасдиқланган ўқув дастурларидан фойдаланилади.
2.	10-синф	Халқ таълими вазирлиги ҳамда Олий ва ўрта махсус таълим вазирлигининг 2017 йил 18 августдаги 43/65-ҚҚ-сон қўшма қарори билан тасдиқланган ўқув дастурларидан фойдаланилади.
3.	1**-, 2**-, 11-синфлар	Халқ таълими вазирининг 2018 йил 28 августдаги 216-сон буйруғи билан тасдиқланган ўқув дастурларидан фойдаланилади.
4.	6-, 7-, 8-, 9-синфлар (МИҒ туркумига кирувчи фанлар) 8-9-синфлар (информатика ва ахборот технологиялари, чет тили) 5-синфлар	Ўзбекистон Республикаси Олий ва ўрта махсус таълим вазирлиги, Ўзбекистон Республикаси Халқ таълими вазирлигининг 2010 йил 1 июлдаги 62/2/4/1-сон қўшма хайъат мажлиси қарори билан тасдиқланган оптималлаштирилган ўқув дастурларидан фойдаланилади.
5.	1-, 3-, 8-, 9- синфлар (7- синф чет тиллари, айрим фанларга ихтисослаштирилган давлат умумтаълим мактаблари учун 6-синф физика, 7-8-синф алгебра)	Ушбу буйруқ билан тасдиқланган ўқув дастурларидан фойдаланилади.

*Изоҳ: * она тили, ўзбек, тили, рус тили, чет тили, атрофимиздаги олам, musiқа маданияти, тасвирий санъат, технология, жисмоний тарбия фанларига тегишли.*

*** математика фанига тегишли.*